

BE.70. NAUNG SALPU TAON NA BURUK I (F=1)

=====

B.E. No. 70. NAUNG SALPU TAON NA BURUK I

1. Naung salpu taon na buruk i, Ho ma hupuji Tuhanki
Ai diramoti Ho tongtong tondingku dohot dagingkon
Ai diramoti Ho tongtong tondingku dohot dagingkon

2. O Jesus sai asi rohaM, paian denggan ni basaM
Muse di taon na'mbaru on di nasa huriaM tongtong
Muse di taon na'mbaru on di nasa huriaM tongtong

3. Sai tong paian hataMi Na mangapuli roha i
Alai pangago sasude Padao ma sian hami be
Alai pangago sasude Padao ma sian hami be

4. Sai unang jujur dosa i Binaen di taon na salpu i
Urasi hami sasude Asi rohaM di hami be
Urasi hami sasude Asi rohaM di hami be

5. Urupi hami mangoloi PatikMu jala pargogo
Lao manundalhon dosa i Nang nasa jat ni rohangki
Lao manundalhon dosa i Nang nasa jat ni rohangki

6. Lam jonok taiti hami on Tu hangoluan na tongtong
Pahot ma di huriaMi Jambarna na sumurung i
Pahot ma di huriaMi Jambarna na sumurung i